



UNIVERSITY OF  
**KWAZULU-NATAL**<sup>™</sup>  
INYUVESI  
YAKWAZULU-NATALI

## IHhovisi LeNyuvesi YaKwaZulu-Natali LokuHlelwa Nokuthuthukiswa KoLimi

**Linentokozo yokukumema ukuba ube yingxeny**

## **Yokwethulwa Kohlu Lwamatemu EzoMthetho kanye Neqoqo Lezinkondlo KwesiZulu**

**USUKU:**

30 Mbasa 2019

**INDAWO:**

UNITE Building, Howard College Campus  
(Ngena ngo-Gate 8, Rick Turner Road)

**ISIKHATHI:**

09H00

**IMPENDULO IBALULEKILE:**

(Qaphela ukuthi yenziwe ngo-Chrome noma u-Firefox)

**Imininingwane xhumana:** Nomkhuleko Ngubane

**i-imeyili:** [ngubanen2@ukzn.ac.za](mailto:ngubanen2@ukzn.ac.za)

**Ucingo:** 031 260 1921

**ezolimi@UKZN**

Kuyabonakala ukuthi Ezemfundo Ephakeme ENingizimu Afrika (ezobizwa nge-SAHE) ziyaqhubeka ngokusingatha uhlelo lokuguqula izilimi zase-Afrika ukuze zibe yingxeny yezokufunda. Kuze kube manje, izilimi ezikhonyayo ku-SAHE isiNgesi nesiBhunu. Sekuyisikhathi eside kukhulunywa udaba lokuthi enye yezimbangela zokungaphumeleli okuphezulu kwabafundi kwezemfundo e-Afrika ukuthi i-Afrika inesimo esingajwayelekile kumazwekazi lapho abantwana befundiswa ngolimi lokufika (cf. Finlayson & Madiba 2002). Kungenxa yalokhu ukuthi inqubomgomo nohlelo lolimi lwase-UKZN (2006 lwabuyekwezwa 2014) iqhaza elibalulekile lolimi kwezokufunda nokufundisa. Ngokusebenzisa inqubomgomo nohlelo lolimi, i-UKZN isithathe isinyathelo sokuthuthukisa isiZulu, ukuze sihambelane nesikhathi samanje kanye nokusihlelela ukuze sitshenziswe ekukhiqizweni nasekusatshalalisweni kolwazi. Enye yezinhloso ezibekwe inqubomgomo yolimi yase-UKZN “ukunikeza isiZulu izinga elifanayo nelesiNgesi kwezokufunda nasesikhungweni” kanye “nokuhlinzeka ngezinsiza ukuze kusetshenziswe isiZulu njengolimi lokufunda, ukufundisa, ucwaningo kanye nokuphatha.” (Language Policy of the UKZN, 2014:2).

Emkhankasweni wkushintsha isimo kwezokufunda kuMasingana wonyaka wezi-2014, imojuli yesiZulu eyimpoqo yezokuxhumana efundwa yibo bonke abafundi abangenaziqo abangasikhulumi isiZulu njengolimi lwebele noma abangasifundanga phambilini. Lesi sinqumo seZigele esicaciswa umthetho u-BR9, sihlinzeka ngesisekelo esilula futhi sibalulekile sokuthuthukisa kanye nokwenza isiZulu ulimi lwezifundiswa. Le mojuli ithathwa njengesisombululo sezokubamba iqhaza nokuxhumana ngokwezenhlalo esikhungweni. KuLwezi wonyaka wezi-2016, iZigele zagunyaza umthetho weZiqu zobudokotela (DR9(b)) odinga ukuthi kube neqoqo lethisizi leziqo zobudokotela elingesiZulu nesiNgesi kuwawonke amathesizi eziqo zobudokotela. Lo mthetho omusha weziqo zobudokotela unomthelelo obonakalayo ekugquzelweni kokusetshenziswa kwesiZulu kwezofunda, ukufundisa nocwaningo.

I-UKZN iyakumema kulo mcimbi oyingqophamlendo wokwethula imibhalo emibili yezokufunda engumphumela ophathekayo womshikashika wokuthuthukisa isiZulu ukuze sibe ulimi lwezokufunda okuhambelana nesimiso somthethosisekelo wokulinganisa zonke izilimi zezwe ezisemthethweni. I-UKZN isebenzisa iHhovisi LezokuHlelwa NokuThuthukiswa KoLimi inentokozo yokwethula imibhalo emibili emisha, Uhlu Lwamatemu EzoMthetho (okuwumbhalo wesibili ochungechungeni lwemibhalo) kanye nowezinkondlo zesiZulu othi Zidla Inkotha yomibili eshicilelwe abakwa- UKZN Press. Incwadi yezinkondlo ingumphumela womncintiswano waminyakayonke owasungulwa futhi wesekwa i-ULB emizamweni yokugquzela ababhali besiZulu ngezihloko zesimanje.